

BOSNA I HERCEGOVINA
PARLAMENTARNA SKUPŠTINA
PREDSTAVNIČKI DOM

Komisija o pitanjima ljudskih prava, imigracije, izbjeglica i azila

Broj: 01/5-011-3/2000.

Datum: 04.01.2000.g.

Z A P I S N I K

sa 6. sjednice Komisije o pitanjima ljudskih prava,
imigracije, izbjeglica i azila

Šesta sjednica Komisije održana je 01.02.2000.godine. Prisustvovali su Abdurahman Malkić, Branislava Jovanović, Mediha Filipović, Ana Havel, Mara Perkanović i Smail Bećirbašić. Odsustvovali su Ivo Mijačević zbog bolesti, Miodrag Deretić i Sejfudin Tokić zbog rada na Komisiji za ustavna i pravna pitanja.

Za sjednicu Komisije usvojen je sljedeći

D N E V N I R E D:

1. Usvajanje zapisnika sa 5. sjednice Komisije,
2. Razmatranje Nacrta zakona:
 - a) Nacrta zakona o praznicima i blagdanima BiH (predlagač Vijeće ministara BiH),
 - b) Nacrta zakona o praznicima BiH (predlagači S. Tokići I.Divković).

Ad – 1: Usvajanje zapisnika sa 5. sjednice Komisije

Na zapisnik sa 5. sjednice Komisije nije bilo primjedbi. Zapisnik je usvojen jednoglasno.

Ad – 2: Nacrti zakona....

Predsjedavajući Malkić je u uvodu napomenuo da su oba predložena teksta u formi nacrta. Predložio je da se o njima vodi jedinstvena rasprava.

O nacrtima zakona vođena je duža i opsežna rasprava u kojoj su učestvovali svi prisutni članovi Komisije (sem g. Jovanović koja je stigla pri kraju sjednice). Izražena su različita mišljenja u pogledu određivanja praznika i blagdana na nivou države. Neki članovi su bili mišljenja da vjerske blagdane treba regulisati na nivou entiteta, pa čak i

kantona, dok su drugi bili mišljenja da bi sve praznike i blagdane trebalo regulisati zakonom na nivou države.

Takođe su izražena različita mišljenja o danu državnosti Bosne i Hercegovine, tako da neki podržavaju da to bude 25. novembar – Dan ZAVNOBiH-a, drugi da to bude 21. novembar – dan potpisivanja Dejtonskog mirovnog sporazuma, a neki i da se praznikom proglasi 1. mart, dan proglašenja nezavisnosti Bosne i Hercegovine.

Zbog različitih stavova Komisija se nije izjašnjavala o sadržaju nacrtu zakona'.

Komisija je jednoglasno zauzela stav da je zakon o praznicima potrebno donijeti na nivou države.

Na kraju sjednice g. Mediha Filišović je upoznala ukratko Komisiju o svom boravku u Strazburu i o nekim pitanjima koja bi Komisija trebala razmatrati kako bi skrenula pažnju na ispunjenje uslova za prijem BiH u Vijeće Evrope. Predala je Memorandum izvjestioca Komisije o pravnim pitanjima i ljudskim pravima Vijeća Evrope g. Anneli Jaatteenmaki i predložila da se isti prevede i dostavi članovima Komisije.

Ovim je završena 6. sjednica Komisije o pitanjima ljudskih prava, imigracije, izbjeglica i azila.

SEKRETAR KOMISIJE

Rajka Stanišić

PREDSJEDAVAJUĆI KOMISIJE

Abdurahman Malkić